

中州名賢集



國朝中州名賢集講義

目錄

大學首章

古之欲明明德於天下者

增刊

格物致知

增刊

所謂誠其意章

中庸首章

唯天下至誠爲能盡其性章

論語學而時習之章

其爲人也孝弟章

吾日三省吾身章

弟子入則孝章

賢賢易色章

君子不重章

君子食無求飽章

吾十有五章

溫故而知新章

子張學干祿章

參乎吾道一以貫之章

夫子之道忠恕而已矣

增刊

吾未見剛者

增刊

顏淵季路侍章

誰能出不由戶章

如有博施於民章

志於道章

飯疏食飲水章

士不可以不弘毅章

子在川上章

譬如爲山章

孝哉閔子騫章

君子以文會友章

子路問君子章

脩己以敬

增刊

師冕見章

性相近也章

孟子道在爾而求諸遠章

公都子章

良知良能

增刊

孝經首章

易乾坤二卦

易謙卦

太極圖疏義

太極圖說疏義

周子太極圖

附刊

張子西銘衍義

洛賢經學附傳

冉渠吳公墓志銘

胡文良公事略

附莊敏公

武虛谷先生傳略

附小谷

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

楚南湘潭後學黃舒曷編輯

國朝中州名賢集講義

大學首章

耿氏逸庵

此聖經一章蓋孔子之言而曾子述之謂之大學者大
人之學也古者人生八歲則入小學而教之以灑掃應
對進退之節禮樂射御書數之文及其十有五年則入
大學而教之以窮理正心修己治人之道故朱子謂古
之大學教人之法是也其書有三綱領有八條目有功
夫次第有推暨效驗有總括有結束外有以極其規模
之大而內有以盡其節目之詳體用兼該小大畢舉天
德王道一以貫之聖學之全功也何謂三綱領曰明德

新民止至善然明德新民不平新民只在明止至善面

而明德新民都到十分恰好處便是至善知至善所當止則定靜安慮得自然相因而見其曰物有本末明德爲本新民爲末也曰事有終始知止爲始能得爲終也曰知所先後本始所先末終所後也此只是渾渾說了箇體段用功處則在下面何謂八條目曰格物致知誠意正心修身齊家治國平天下然不曰平天下而曰明明德於天下可見平天下亦只是使民各明其明德而已觀其從此逆推到致知在格物此在字便與三綱領在字相呼應這是大學下手入門第一緊要功夫朱子

所謂卽物窮理須是平日於事事物物之理實加窮究
凡善惡義利公私天理人欲辨別得極其分明然後意
之所發實實爲善不爲惡實實爲義不爲利實實爲公
不爲私實實向天理去不向人欲去便是誠意蓋格物
致知屬知誠意以上屬行朱子謂致知是夢覺關誠意
是善惡關透得致知之關則覺不然則夢透得誠意之
關則善不然則惡過得這兩箇關頭下面功夫一節容
易似一節了此功夫次第也從物格而後知至順數到
天下平此推暨效驗也未從八條目中拈出修身來正
結又拈出身與家來反結蓋家國天下總是以身作箇

標準而格致誠正皆所以修身也身修則家齊而國治天下平直舉而措之耳此總括結束也卽此章觀之可見吾人爲學原是有用之學當其閉戶潛修卽以天下國家自任不是獨善其身便了大學說明德卽說新民說止至善立定一箇大規模其緊要只在明明德而明明德功夫只是格物致知蓋明德者人之所得乎天而虛靈不昧以具衆理而應萬事者也只被氣稟物欲蔽隔便有時而昏則天下事一切都做不得須常自提撕此心作我主宰用之以格物窮理使本體精明洞徹發出來都是天理此便是慎德此便是絜矩此便是大道

此便是藏身之恕以之公好惡理財用人統是矣其於
治國平天下何難之有然則如何提撕此心曰敬而已
矣程子謂學莫先於致知未有致知而不在敬者敬則
此心常惺惺便是補出小學一段功夫學者誠體驗於
此則大學可從而入矣

古之欲明明德於天下者

增刊

古之欲明明德於天下朱註云欲天下之人皆有以明
其明德竊疑大學本文何不曰欲天下之人皆有以明
其明德者而曰欲明明德於天下者是不可不深長思
也夫天下之人同此心卽同一明德無有二也譬如日

焉天無二日人無二德日食則宇宙間萬物皆昏日入則宇宙間萬物皆暗赤日當空無纖雲之蔽則舉世間皆光明洞澈容光必照下民之動作行止無不得所此億兆眾庶之明皆赤日之明也人人有一赤日而實同此赤日一明斯無一不明夫明德亦猶是焉耳人人有明德而實同一明德特患無一明明德於天下者斯天下人之明德皆不能明矣堯舜禹湯文武之爲君皋陶伊傅周召之爲相聰明睿知能盡其性實能明明德於天下創制立法布政敷教皆本其明德而推行之是以天下之人無賢否知愚無不遵王之道遵王之路皆知

父父子子兄兄弟弟夫夫婦婦之大義熙熙攘攘親賢
樂利日游于光天化日之下而不知其所以然是亦所
謂一明而無不明也孔曾思孟周程張朱之爲學雖不
得君相之位而亦是聰明睿知能盡其性實能明明德
於天下刪訂纂述垂範立教亦皆本其明德而推行之
是以後世讀其書聞其教學其學者爲君則仁爲臣則
忠爲子則孝出則爲名臣爲循吏處則爲名儒爲樸士
遭亂則能爲節義其次亦多知自愛謹身寡過愚夫愚
婦亦多知孝弟忠信名節之爲美是亦所謂一明而無
不明也中庸言至誠能盡其性則能盡人之性能盡人

之性則能盡物之性夫性一而已矣人物之性皆已之性不能盡已之性何能盡人物之性人物之性未盡仍是已之性有未盡也不能明明德何能使天下之人皆有以明其明德不能明明德於天下則明德之功仍未止於至善也然曰欲天下之人皆有以明其明德則是新民意多曰欲明明德於天下則是以明明德爲主而新民之意在其中卽止至善之意亦在其中此經文立言之妙有非朱註所能盡者此亦如孔子曰吾道一以貫之曾子則曰夫子之道忠恕而已矣不如是則渾然之言固未易發明也夫

格物致知 增刊

學問之道先知後行而實則知行並進不能相離大學
格物致知知之事也誠意正心修身以下行之事也實
則格致之功必兼知行而後物能格知能致誠正修之
功必兼知行而後意能誠心能正身能修齊家以下類
然矣夫誠正修齊治平行必兼知用功人知之格物致
知知必兼行用工人或不知反以朱子格物窮理之解
爲支離由是心學漢學異說紛起而大學之始功不明
是皆未熟思朱子之說也夫格物致知朱子主卽物窮
理爲解精當不可易是言先知後行而其功實必知行

并進非輕行而重知也天生烝民有物有則欲盡其物之則必先窮其物之理是先知而後行也然窮理之功必知行并進而後物可格理可窮譬如書焉觀法帖致知也但觀而不日事臨摹則古人之筆妙終不能明是必觀帖與臨池兼致其功而後知書之知始至譬如欲知泰山之高黃河江海之大京師之壯麗考之於書索之于圖問之於經歷之人致知也然但考索詢訪而不力行以求其足到目見則其高大壯麗祇能知其影響大略言之確鑿而心終茫然何如親到者之知乃真知之至也身心性情之理家國天下之務人倫庶物之宜